

Javna ustanova „Fond Memorijala Kantona Sarajevo“, sa sjedištem u Sarajevu, ul. Širokac br. 22, Općina Stari Grad, Kovači-Sarajevo, JIB:4200305180002, koju zastupa v.d. direktor-a Delalić Mirsad, dipl.soc.rad (u daljem tekstu: **Ugovorni organ**)

i

UNILAB d.o.o. Sarajevo, sa sjedištem u Sarajevu, ul. Drinska br.70, ID broj:4200054160007, koga zastupa direktor Hazim Šahbaz, dipl.ing.el. (u daljem tekstu: **Dobavljač**)

Zajednički naziv za Ugovorni organ i Dobavljač je UGOVORNE STRANE.

zaključili su u Sarajevu, dana 09.06.2020.godine

U G O V O R

O IZVOĐENJU RADOVA

I PREDMET UGOVORA

Član 1.

Predmet ovog ugovora je izvođenje radova na sanaciji i popravkama video nadzora u upravnoj zgradi Fonda Memorijala, Muzeju Alija Izetbegović i Spomeničkom kompleksu Tunel D-B, a sve prema Specifikaciji Ugovornog organa, dostavljenoj Dobavljaču uz Zahtjev za dostavljanje ponude, broj: 13-04-01-LD/45-158/20, dana 19.05.2020. godine i po jediničnim cijenama Dobavljača, prema Ponudi broj: HŠ-321/20 od 22.05.2020. godine, koje čine sastavni dio ovoga ugovora.

II CIJENA I NAČIN PLAĆANJA

Član 2.

Vrijednost radova iz predmeta ovog ugovora bez PDV-a	iznosi	990,00 KM
Vrijednost PDV-a		168,30 KM

Ugovorne strane su saglasne da ukupna vrijednost ugovora sa uključenim PDV-om od 17 % iznosi

1.158,30 KM

(slovima:jednahiljajednastotinapedesetosam i 30/100KM)

Član 3.

Ugovorni organ se obavezuje da će isplatiti ugovorenu cijenu nakon izvršenja predmeta ugovora, a u zakonskom roku od 15 /petnaest/ dana od datuma prijema ovjerene fakture.

III ROK

Član 4.

Ugovorne strane su saglasne da je krajnji rok za izvršenje predmeta ugovora 15 /petnaest/ dana od dana obostranog potpisivanja ugovora.

Član 5.

Ugovoreni rok se može produžiti samo:

1. u slučaju zakašnjenja uvođenja u posao, za onoliko dana koliko je trajalo to zakašnjenje,
2. u slučaju više sile, za onoliko dana koliko su trajali razlozi produženja izazvani tom silom.

Član 6.

U slučaju kašnjenja u izvođenju radova na popravci, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova, koji su predmet ugovora.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

IV MJESTO IZVRŠENJA UGOVORA

Član 7.

Ugovorne strane su saglasne da je mjesto izvršenja predmeta ugovora: Upravna zgrada JU „Fond Memorijala Kantona Sarajevo”, Spomenički kompleks “Tunel D-B” i JU “Muzej Alija Izetbegović”.

V OSTALE ODREDBE

Član 8.

Dobavljač se obavezuje da će za izvođenje radova na sanaciji i popravci iz člana 1. ovog ugovora odrediti stručno osposobljene radnike, poznavaoce određenih sistema.

Radnici moraju biti i detaljno upoznati sa uslovima obavljanja radova navedenih u članu 1. ovog ugovora i uputama Ugovornog organa.

Član 9.

Ugovorne strane su saglasne da Dobavljač garantuje za kvalitetu svojih usluga i da će eventualne greške otkloniti o svom trošku.

Član 10.

Ugovorne strane su saglasne da će Ugovorni organ prijaviti garancijske i vangarancijske reklamacije neposredno Dobavljaču.

Član 11.

Ugovorne strane su saglasne da Dobavljač mora u skladu sa ovim ugovorom dozvoliti Ugovornom organu uvid u svoje poslovanje.

Član 12.

Ugovorne strane su saglasne da će se na sve što nije regulisano odredbama ovog Ugovora primjenjivati odredbe Zakona o obligacionim odnosima i odredbe drugih pozitivno pravnih propisa koji regulišu ovu materiju.

Član 13.

Ugovorne strane su saglasne da će sve eventualne sporove nastojati da riješe sporazumno, u duhu dobrih poslovnih običaja, a ukoliko to nije moguće, sporovi će se rješavati pred stvarno nadležnim sudom u Sarajevu.

Član 14.

Sve izmjene i dopune ovog Ugovora mogu biti samo u pismenoj formi ovjerene i potpisane od strane ovlaštenih zastupnika ugovorenih strana.

Član 15.

Ugovor stupa na snagu danom potpisivanja obje ugovorne strane.

Član 16.

Ugovor je sačinjen u 4 /četiri/ istovjetna primjeraka, od kojih obje ugovorne strane zadržavaju po 2 /dva/ primjerka.

ZA UGOVORNI ORGAN

V.D. DIREKTOR-a


Delalić Mirsad, dipl.soc.rad.



ZA DOBAVLJAČA

DIREKTOR

Hazim Šahbaz, dipl.ing.el.



Broj:13-03-01-MD/45-158/20

Sarajevo, 09.06.2020.godine

Broj: HŠ-401/20

Sarajevo, 11.06.2020.g.

